

BOSNA I HERCEGOVINA
Federacija Bosne i Hercegovine
TUZLANSKI KANTON
JP "Međunarodni aerodrom Tuzla" d.o.o.

Broj: 05/2-us-216-18/25
G.Dubrave, 17.04.2025.godine

Na osnovu člana 69. stav (1) tačka a) i člana 70. Zakona o javnim nabavkama BiH („Službeni glasnik Bosne i Hercegovine“ broj: 39/14, 59/22 i 50/24), te prijedloga Komisije za provedbu postupka javne nabavke na JP „Međunarodni aerodrom Tuzla“ d.o.o., u ime uprave Javnog preduzeća Direktor JP „Međunarodni aerodrom Tuzla“ d.o.o., d o n o s i:

O D L U K U
o izboru najpovoljnijeg ponuđača

I

Ponuda ponuđača **D.O.O. DEZINFEKCIJA Bijeljina**, za ponuđenu cijenu od **17.985,24 KM** bez PDV-a proglašava se najpovoljnijom, te se imenovanom ponuđaču dodjeljuje Ugovor o nabavci usluge dezinfekcije, dezinsekcije i deratizacije na JP „Međunarodni aerodrom Tuzla“ d.o.o.

II

Ugovorni organ će pozvati izabranog ponuđača radi zaključenja Ugovora kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

III

Ugovorni organ će uz ovu odluku obavijestiti sve učesnike postupka nabavke o rezultatima analize pristiglih ponuda u ovom postupku nabavke u skladu sa članom 71. Zakona o javnim nabavkama BiH.

IV

Ova Odluka stupa na snagu danom donošenja, i objavit će se na web-stranici: www.tuzla-airport.ba u skladu sa članom 70. stav (6) Zakona o javnim nabavkama.

O b r a z l o ž e n j e

Odlukom o pokretanju postupka broj: 05/2-45-216/25 od 25.02.2025.godine, pokrenut je otvoreni postupak za nabavku usluge dezinfekcije, dezinsekcije i deratizacije, ukupne procijenjene vrijednosti 18.000,00 KM bez PDV-a. Rok za dostavljanje ponuda bio je 07.04.2025. godine do 09:00 sati.

Javno otvaranje pristiglih ponuda izvršeno je u 09:30 sati istog dana, a što je konstatovano zapisnikom sa otvaranja ponuda broj: 05/2-45-216-15/25. Zapisnik sa otvaranja ponuda dostavljen je svim ponuđačima u skladu sa zakonskim i podzakonskim aktima.

Nakon izvršenog otvaranja ponuda, komisija je dana 11.04.2025. godine pristupila analizi dokumentacije priložene uz ponude u smislu provjere njihove validnosti obzirom na iskazane zahtjeve ugovornog organa u tenderskoj dokumentaciji, odnosno vrednovanju ponuda, a u skladu sa procedurama i pravilima utvrđenim tenderskom dokumentacijom i Zakonom o javnim nabavkama BiH, odnosno pripadajućim podzakonskim aktima. Kriterij za dodjelu ugovora je „NAJNIŽA CIJENA“.

Prema zapisniku o zaprimanju ponuda broj: 05/2-45-216-14/25, Komisija konstatuje da je blagovremeno zaprimljeno pet (5) ponude i to ponude ponuđača:

1. **SANACIJA 3D d.o.o. Sarajevo**, čija je ukupna cijena ponude iznosi 5.975,00 KM bez PDV-a
2. **VEGA MIX SANITACIJA d.o.o. Tuzla**, čija ukupna cijena ponude iznosi 17.355,48 KM bez PDV-a.
3. **SANACIJA 3D d.o.o. Sarajevo** čija cijena ponude iznosi 23.918,91 KM bez PDV-a, a na koju cijenu je dat popust od 25%, te ukupna cijena ponude iznosi 17.939,19 KM bez PDV-a.
4. **DESINFECTA d.o.o. Sarajevo**, čija ukupna cijena ponude iznosi 17.996,82 KM bez PDV-a.
5. **DOO „DEZINFEKCIJA” BIJELJINA** čija ukupna cijena ponude iznosi 17.985,24 KM bez PDV-a

Komisija je nakon javnog otvaranja ponuda pristupila pregledu i ocjeni pristiglih ponuda.

1) Kada je u pitanju ponuda ponuđača **SANACIJA 3D d.o.o. Sarajevo**, komisija je konstantovala da su za predmetnu nabavku zaprimljene dvije ponude predmetnog ponuđača. Ugovorni organ je u predmetnom postupku zaprimio žalbu izjavljenu na tendersku dokumentaciju, te je putem sistema e-nabavke kreirao i poslao obavijest ponuđačima o uloženoj žalbi.

Ugovorni organ je razmatrajući predmetnu žalbu utvrdio da je ista osnovana u cjelosti, te je u skladu sa tim izmjenio predmetnu tendersku dokumentaciju koju je objavio na portalu e-nabavke i produžio rok za dostavljanje ponuda.

Predmetni ponuđač je nakon izmjene tenderske dokumentacije ponovo dostavio ponudu, ali bez navođenja na koverti da se radi o izmjeni odnosno dopuni ponude.

Tenderskom dokumentacijom tačkom 30. definisano je da do isteka roka za prijem ponuda, ponuđač može svoju ponudu izmijeniti ili dopuniti i to da u posebnoj koverti, na

isti način navede sve podatke sadržane u tački 9. tenderske dokumentacije. Takođe definisana je adresa na koju se dostavlja izmjena odnosno dopuna ponude, kao i da na koverti treba biti naznačeno: IZMJENA/DOPUNA PONUDE ZA NABAVKU USLUGE DEZINFEKCIJE, DEZINSEKCIJE I DERATIZACIJE.

Članom 57. stav (3) Zakona definisano je da svaki ponuđač može dostaviti samo jednu ponudu. Takođe uputstvom za priremu modela tenderske dokumentacije i ponuda članom 13. stav (2) definisano je da se izmjena i/ili dopuna ponude dostavlja na isti način kao i osnovna ponuda s obaveznom naznakom da se radi o izmjeni i/ili dopuni ponude.

Obzirom na navedeno, Komisija se nije išla u dalju ocjenu ponude, te je predmetnu ponudu ocjenila kao nepravilnu.

2) Kada je u pitanju ponuda ponuđača **VEGA MIX SANITACIJA d.o.o. Tuzla** komisija je uvidom u istu konstantovala da sadrži dokaz iz člana 46. Zakona, ovjerenu kopiju rješenja o registraciji iz kojeg se može vidjeti da je isti registrovan za obavljanje profesionalne djelatnosti koja je u vezi sa predmetom nabavke.

Takođe ponuda sadrži popunjene i ovjerene izjave iz člana 45. i 52 Zakona. Ponuđač je dostavio popunjen i potpisan obrazac za dostavljanje ponuda. Kada je u pitanju obrazac za cijenu ponude isti nije potpun, odnosno ne sadrži zadnju stranicu na kojoj se navodi:

„broj ponude i potpis ponuđača, kao i napomene da: cijene moraju biti izražene u KM ili EUR. Za svaku stavku u ponudi mora se navesticijena, cijena ponude se iskazuje bez PDV-a i sadrži sve naknade koje ugovorni organ treba platiti dobavljaču., ugovorni organ ne smije imati nikakve dodatne troškove osim onih kojisu navedeni u ovom obrascu, u slučaju razlika između jedinične cijene i ukupnog iznosa, ispravka će se izvršiti u skladu sa jediničnom cijenom, jedinična cijena stavke se ne smatra računskom greškom, odnosno ne može se ispravljati.“

Imajući u vidu naprijed navedeno da predmetni ponuđač nije dostavio ponudu u skladu sa tenderskom dokumentacijom, Komisija je ovu ponudu ocjenila kao nepravilnom.

3) Komisija je izvršila pregled i ocjenu ponude dostavlje od strane ponuđača **DESINFECTA d.o.o. Sarajevo**. Konstantovano je ponuda sadrži ovjerenu izjavu o ispunjavanju uslova iz člana 45. Zakona. Takođe uz ponudu je priložena i ovjerena izjava iz člana 52. Zakona, kao i ovjerena kopija aktuelnog izvoda iz sudskog registra. Uvidom u ponudu utvrđeno je da je predmetni ponuđač dostavio popunjen obrazac za dostavljene ponude i obrazac za cijenu ponude.

Komisija je pregledom obrasca za dostavljanje ponude koji je priložen uz ponudu utvrdila da isti po svojoj sadržini ne odgovara obrascu čiju je sadržinu Ugovorni organ izmjenom tenderske dokumentacije izmjenio.

Obzirom da predmetni ponuđač nije dostavio izmjenjeni obrazac za dostavljanje ponude, Komisija je ovu ponudu ocjenila kao nepravilnu odnosno da ista nije u skladu tenderskom dokumentacijom.

4) Komisija je nastavila sa ocjenom ponuda, te je uvidom u ponudu ponuđača **D.O.O. DEZINFEKCIJA Bijeljina** utvrdila da sadrži uredno popunjen i potpisan obrazac za dostavljanje ponude i obrazac za cijenu ponude. Takođe konstantovano je da ponuda sadrži ovjerene izjave iz člana 45. i 52 Zakona, kao i ovjerenu kopiju aktuelnog izvoda iz

sudskog registra. Komisija je pregledom navedene ponude utvrdila da je ista dostavljena u skladu sa zahtjevima predmetne tenderske dokumentacije, te je ponudu ponuđača **D.O.O. DEZINFEKCIJA Bijeljina** ocjenila kao prihvatljivu.

Na osnovu naprijed iskazanih činjenica, te obzirom da je kriterij za dodjelu ugovora u predmetnom postupku nabavke bio „*najniža cijena*“, Komisija za provođenje postupka javne nabavke usluge dezinfekcije, dezinsekcije i deratizacije jednoglasno je konstatovala da postoje uslovi za izbor najpovoljnijeg ponuđača, te je predložila Upravi Ugovornog organa da prihvati ponudu ponuđača **D.O.O. DEZINFEKCIJA Bijeljina** i da shodno članu 70. Zakona o javnim nabavkama donese odluke o izboru najpovoljnijeg ponuđača.

Na osnovu prijedloga Komisije za provođenje postupka nabavke usluge dezinfekcije, dezinsekcije i deratizacije, donesena je odluka kao u dispozitivu.

PRAVNA POUKA: Žalba se može izjaviti u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi putem ugovornog organa u pisanoj formi direktno ili preporučeno poštanskom pošiljkom.

Dostavljeno:
4 x Ponuđačima
1 x Evidencija
1 x a/a



DIREKTOR

Dževad Halilčević